



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

O D L U K U
o izboru najpovoljnijeg ponuđača

Član 1.
(Predmet odluke)

Ugovor o nabavci mrežne opreme, dodjeljuje se ponuđaču **TeleNet d.o.o. Sarajevo**.

Član 2.
(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-1-879-3-9/17 od 17.10.2017. godine. Primljeno je pet ponuda ponuđača: ALF-om d.o.o. Banja Luka, BBS-Bosnien Business Systems d.o.o. Sarajevo, R&S d.o.o. Sarajevo, TeleNet d.o.o. Sarajevo i Time Code d.o.o. Sarajevo. Ponuđač Time Code d.o.o. Sarajevo nije dostavio kopiju ponude, kako je traženo tačkom 4.2. i tačkom 4.5. Konkurentskog zahtjeva. Te se primjenom člana 68. 4. tačka i) Zakona o javnim nabavkama BiH ista odbacuje.

Komisija za nabavke imenovana Odlukom broj: A-17/17 od 16.01.2017. godine i izmjenom Odluke o imenovanju Komisije za nabavke broj: A-17-1/17 od 21.09.2017. godine (u daljem tekstu: Komisija), izvršila je pregled i ocjenu ponuda (Zapisnik o pregledu i ocjeni ponuda i izvještaju o radu Komisije je u prilogu ove odluke) i utvrdila sljedeće:

Komisija je konstatovala da je ponuđač **TeleNet d.o.o. Sarajevo** ponudio najnižu cijenu tehnički zadovoljavajuće ponude.

Shodno navedenom, Komisija je uputila preporuku v.d. glavnog tužioca Tužilaštva-Tužiteljstva BiH za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: A-397/17

Datum: 20.11.2017. godine

Dostavljeno:

- Ponuđačima,
- Odjelu za materijalno-finansijske poslove.

